



Na osnovu člana 69. stav (2), tačka d) i člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 28/97 i 26/02), na preporuku Komisije za javnu nabavku u Zapisniku o ocjeni ponuda, broj: 15-11-8-5154-11/22 od 20.06.2022. godine, direktor Kantonalne uprave civilne zaštite, donosi:

## ODLUKU o poništenju postupka javne nabavke

### Član 1.

Prihvata se Preporuka Komisije za javnu nabavku za predmet ugovora „Nabavka opreme za Službu za zaštitu i spašavanje sa visina“ i poništava se postupak javne nabavke jer nijedna od primljenih ponuda nije prihvatljiva.

### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici [www.czusk.ba](http://www.czusk.ba), i to istovremeno s upućivanjem iste ponuđačima koji su učestvovali u postupku javne nabavke.

### Obrazloženje

Postupak javne nabavke pokrenut je Odlukom o pokretanju postupka javne nabavke, broj: 15-11-8-5154-1/2022 od 16.05.2022. godine, Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 21.360,00 KM. Na Portalu javnih nabavki je objavljeno Obavještenje o nabavci, broj: 6518-7-1-4-3-3/22 od 23.05.2022. godine. Po isteku roka za podnošenja ponuda, evidentirano je da su blagovremeno zaprimljene tri ponude, i to:

Redni broj	Naziv/ime ponuđača (šifra)	Datum i sat prijema
1.	Pastor M d.o.o. Mostar	16.06.2022.godine (09:59)
2.	KM Trade d.o.o. Visoko	17.06.2022. (8:25)
3.	Fire trade d.o.o. Srebrenik	17.06.2022. (10:29)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da zaprimljene ponude nisu formalno-pravno ispravne, ne ispunjavaju tehničke zahtjeve ugovornog organa i ne mogu biti predmet vrednovanja.

Naime, ponuđač **Pastor M d.o.o. Mostar** je izvršio ispravku jedinične cijene za stavku pod rednim brojem 10. u Aneksu 3 – Obrazac za cijenu ponude, te je istu potpisao i ovjerio, ali nije naveo datum izvršene ispravke, zbog čega ista ne ispunjava uslove u formalno-pravnom smislu. Prilikom ocjene ponuda Komisija je vođena Rješenjem Ureda za razmatranje žalbi, broj: JN2-01-07-1-808-7/17 od 18.01.2018. godine, gdje je (na str. 2. žalbeni navod, na str. 7. i 8. stav URŽ-a)

razmatrano pitanje korekcije koja je potpisana i ovjerena, ali nije datirana; pri čemu je URŽ neupisivanje datuma ocijenio kao povredu člana 18. stav (1) tačka m) Uputstva za pripremu modela tenderske dokumentacije i ponuda, i kao razlog neprihvatljivosti ponude.

Ponuđač **KM Trade d.o.o. Visoko** je dostavio Aneks 6 – Obrazac izjave o ispunjenosti uslova iz člana 47. ZJN od dana 27.05.2022. godine, dok je ponuda dostavljena 17.06.2022. godine, što je u suprotnosti sa zahtjevom ugovornog organa postavljenim u tenderskoj dokumentaciji. Naime, tačkom 3.2. pod c) Tenderske dokumentacije definisano je:

„U svrhu dokazivanja uslova iz člana 47. stava (1) tačka a) Zakona, ponuđač je dužan dostaviti popunjenu, potpisanu i ovjerenu od strane ponuđača / kandidata, izjavu koja je sastavni dio ove tenderske dokumentacije. Izjava ne smije biti **starija od 15 dana** od dana predaje ponude.“

Ponuđač **Fire trade d.o.o. Srebrenik** je dostavio Potvrdu UniCredit Bank d.d., broj: TU12-16-3-22-265 od 16.03.2022. godine, dok je ponuda dostavljena 17.06.2022. godine, što je u suprotnosti sa zahtjevom ugovornog organa postavljenim u Tenderskoj dokumentaciji. Naime, tačkom 3.2. pod d) Tenderske dokumentacije definisano je:

„Potvrdu banake, **ne stariju od 3 mjeseca** računajući od dana dostavljanja ponude, u kojoj ponuđač ima otvoren transakcijski račun koji je određen kao „glavni“, na kojoj će obavezno biti navedeno da je isti određen kao „glavni račun“, te da nije bio blokiran u posljednjih 6 mjeseci.“

Cijeneći navedeno, odlučeno je kao u dispozitivu.

#### **POUKA O PRAVNOM LIJEKU**

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od deset dana od dana prijema iste.

Broj: 15-11-8-5154-12/22

Datum: 22.06.2022. godine.



**DIREKTOR**

**Dževad Livaković, prof.**